



**SCOLA  
LUMNEZIA**

**361.00**

---

# **Reglament davart viadis da scola**

dils 01 da settember 2016 (stan 01-09-2016), vers. 1.1

---



## **Reglament davart viadis da scola**

Relaschaus dil Cussegl da scola, ils 01-09-2016.

Las indicaziuns da persunas, funcziuns e professiuns serefereschon ad omisduas schlatteinas, aschi lunsch ch'ei seresulta buca enzatgei auter ord il senn da quest reglament.

### **I. General**

#### **Art. 1 Intent e finamira**

- <sup>1.</sup> Viadis da scola ein eveniments specials per ils scolars. Els possibiliteschan als pertuccai da tgirar in'auter contact che durent l'instrucziun.
- <sup>2.</sup> Viadis da scola ston buca haver in connex cull'instrucziun.
- <sup>3.</sup> Las differentas partiziuns (primara e superiura) duein sche pusseivel mintgamai coordinar ils gis da viadi.
- <sup>4.</sup> La scola separticipescha buca vid ils cuosts da viadis da scola. Ils cuosts vegnan surpris dalla cassa da scola e dils geniturs.

#### **Art. 2 Organisaziun**

- <sup>1.</sup> La PI responsabla organisescha tut quei che stat en connex culs viadis da scola (informaziuns, transports, dunsena, entradas, midadas d'urari, etc.)
- <sup>2.</sup> L'informaziun als scolars ed als geniturs succeda baul avunda, cunzun sch'ei setracta da midadas d'urari. (turnar pli tard, mezs gis ch'ils scolars han buca scola tenor urari, etc.)
- <sup>3.</sup> Il MS vegn adina informaus ad uras e per mail davart ils viadis da scola dad in gi.
- <sup>4.</sup> Viadis da scola da plirs gis drovan ina lubientscha dil MS. La damonda correspundenta cul program e preventiv vegn inoltrada ad uras, denton sil pli tard 2 jamnas avon il termin da viadi.
- <sup>5.</sup> Ils viadis da scola succedan cun mieds publics ni entras firmas autorisadas. Ei quei ord motivs plausibels buca pusseivel sa il MS lubir autras fuormas.

#### **Art. 3 Handy ed apparaturas electronicas**

- <sup>1.</sup> Il diever ei reglaus egl uorden disciplinar.

#### **Art. 4 Cassa da scola**

- <sup>1.</sup> Per la scola primara e la scoletta dat ei ina cassa da scola. Quella vegn administrada dil secretariat da scola.
- <sup>2.</sup> Pil scalem superiur dat ei ina cassa da scola. Quella vegn administrada dil secretariat da scola.

#### **Art. 5 Cumbinaziuns da classa – cooperaziuns cun autras scolas**

- <sup>1.</sup> Mintga annada (reala e secundara) va per regla comunablamein sin viadi da scola. Ina cumbinaziun denter scalem superiur e la 5./6. classa primara ei pusseivla.
- <sup>2.</sup> Sil scalem primar ein cumbinaziuns da classa che fan senn pusseivlas.
- <sup>3.</sup> Ina cumbinaziun denter la scoletta e la scola primara ei mo excepziunalmein pusseivla e duei vegnir discussiunada cul MS ordavon.



- <sup>4</sup> Risguardond las perscripziuns da cumbinaziuns da classas internas eis ei era pusseivel dad ir sin viadi da scola ensemen cun autras scolas.

**Art. 6 Temps/cuoz dil viadi da scola**

- <sup>1</sup> Per ordinari valan ils temps d'instrucziun. Cun informaziun correspudenta dils geniturs e cun l'organisaziun dils transports necessaris eis ei denton era pusseivel da partir pli baul e turnar pli tard.

**Art. 7 Accumpignament**

- <sup>1</sup> Tut las classas/partiziuns vegnan adina accumpignadas da sil pli pauc duas persunas. Per regla duei ina pedagoga curativa ni PI dil fatg accumpignar la PI responsabla. Ei quei buca pusseivel sa era ina tierza persuna surprendre quei pensum. En gliez cass drova ei il consentiment dil MS.

**Art. 8 Viadis cun aviun**

- <sup>1</sup> Viadis da scola cun aviun ein buca pusseivels

## II. Viadi da scola d'atun

**Art. 9 Cundiziun per il viadi d'atun**

- <sup>1</sup> Tut las partiziuns e classas van sin viadi d'atun nua ch'ils scolars emprendan d'enconuscher la regiun. In viadi d'atun ei in'excursiun a pei dad in gi che ha liug annualmein per tut las partiziuns.
- <sup>2</sup> Viadis d'atun da 2 gis ein pusseivels per las classas 5.- 9. (ex. star surnotg en ina tegia CAS). Tals viadis da scola drovan ina lubientscha dil MS.

**Art. 10 Cuosts dils viadis d'atun**

- <sup>1</sup> Ils cuosts dils viadis da scola d'atun duein vegni surpri per ordinari ord la cassa da scola.
- <sup>2</sup> Per viadis da scola d'atun cun star surnotg ni nua ch'ils cuosts per scolar survargan fr. 30.- sa vegnir incassau ina contribuziun dils geniturs da max. fr. 30.-/scolar. Il MS fixescha la contribuziun sin fundament dil preventiv inoltrau ni dalla calculaziun da cuosts.

## III. Viadi da scola da primavera

**Art. 11 Viadis da primavera per scoletta**

- <sup>1</sup> La scoletta va mintg'onn in gi sin viadi da primavera.
- <sup>2</sup> Il viadi da scoletta duei haver liug ella regiun e mo excepziunalmein ord il cantun.
- <sup>3</sup> Per il viadi da primavera sa vegnir incassau ina contribuziun commensurada da max. fr. 20.- per scolar dils geniturs.

**Art. 12 Viadis da primavera per 1./2.classa**

- <sup>1</sup> Las partiziuns dalla 1./2. classa van mintg'onn comunablamein in gi sin viadi da primavera.
- <sup>2</sup> La 1./2. classa duein serestrenscher sin in viadi schi cuorts sco pusseivels (2 – 3 uras per viadi).



- <sup>3</sup> Per il viadi da primavera sa vegnir incassau ina contribuziun commensurada da max. fr. 20.- per scolar dils geniturs.

**Art. 13 Viadis da primavera 3.-6. classa**

- <sup>1</sup> La 3.- 6.classa van mintg'auter onn 2 gis sin viadi da primavera. Las cumbinaziuns denter quellas classas ein libras.
- <sup>2</sup> Il viadi da scola ha liug en Svizra ni egl'exteriur vischin (max. 1 ura viadi naven dil cunfin).
- <sup>3</sup> Ils cuosts totals (incl. contribuziuns geniturs e sponsurs etc.) per scolar astgan buca survargar fr. 200.-.
- <sup>4</sup> Per il viadi da primavera sa vegnir incassau ina contribuziun commensurada da max. fr. 30.- per scolar dils geniturs.

**Art. 14 Viadis da primavera scalem superiur**

- <sup>1</sup> Il viadi da scola ha liug en Svizra ni egl'exteriur vischin (max. 2 uras viadi naven dil cunfin).
- <sup>2</sup> Il viadi cuoza normalein in gi. El sa denton era vegnir extendius sin dus gis. Il davos onn da scola cuoza il viadi 1 gi e vegn integras ella jamna da project.
- <sup>3</sup> Ils cuosts totals (incl. contribuziuns geniturs e sponsurs etc.) per scolar astgan buca survargar fr. 200.- per in viadi dad 1-2 gis.
- <sup>4</sup> Per il viadi da primavera sa vegnir incassau da mintga scolar ina contribuziun da max. fr. 20.- per gi dils geniturs.


## IV. Determinaziuns finalas

**Art. 15 Vigur**

- <sup>1</sup> Quest reglament entra en vigur cun l'approbaziun entras il Cussegl da scola e vala cun l'entschatta digl onn da scola 2016/17.
- <sup>2</sup> Cun l'entrada en vigur da quest reglament ein las disposiziuns d'auters decrets che stattan en cuntradiziun cun quel abrogadas.

Approbau il reglament entras il Cussegl da scola ils 01-09-2016.

La presidenta:

  
Elisabeth Lorez

L'actuara:

  
Evelyn Casanova